


NEQEROORTITSINERMI TUNNGAVIGISAQ:

**ANARTARFILERINEQ
2025-2027**



Kommune
Qeqertalik

**KOMMUNE QEQERTALIK
INOQARFIK QEQERTARSUAQ**

Imarisaa:

1 Neqeroortitsinermi piumasaqaatit.....	3
1.1 Inatsisitigut tunngavissat:.....	3
1.2. Neqeroortitsisoq:.....	3
1.3. Neqeroortitseriaaseq:	3
1.4. Isumaqatigiissutip sivilissusaa:	3
1.5. Neqeroortitsinermit tunngaviit:	3
1.6. Neqerooruteqarnissamut piffissarititaq:.....	3
1.7. Neqeroorummuk piumasaqaatit tunniussinerlu:	4
1.8. Nangaaneq:	4
1.9. Neqeroorutini ammaaneq:	4
1.10 Neqeroorummik toqqaaneq nalunaarutiginninnerlu:.....	4
2 Sullissinerup allaaserinera	4
2.1. Katersorneqartussat:	4
2.2 Atuisup akisussaaffia:	4
2.3 Illup iluanut iserluni kiffartuussinerit:	5
2.4: Anartarfilerinermit piffissarititaasoq:	5
2.5 Nalliuttuni anartarfilerinerit:	5
2.6 Ingerlatsinermit akornutit:.....	5
2.7: Ingerlatsinermit unittoortoqartillugu	5
2.8 Pilersaarutiniq allanngortoqartillugu:.....	5
2.9 Aanngajaarniutiniq atuinissamik inerteqquteqarneq:.....	5
3 Suliakkerneqartup Kommunellu akornanni suleqatigiinneq	6
3.1 Tunngaviummik suleqatigiinneq pillugu:	6
3.2. Suleqatigiinnermit aqqitassaqaartillugu:	6
4 Akisussaaffiit agguataarneqarnerat.....	6
Anartarfilerinermit suliakkerneqartup pisussaaffii:	6
4.1. Akiuussuserneqarsimanissamut piumasaqaatit:	6
4.2 Sullivimmi avatangiisit:	6
4.3 Oqarasuaateqarnissamik piumasaqaat:	6
4.4 Kommunemut nalunaartussaataaneq:.....	6
4.5 Ajoqusiinerit:	6
4.6 Ajutoortoqarsimatillugu:	7
4.7 Sulisunik akissarsiaqaartitsineq.....	7

4.8 Puussiartassanik pisineq:.....	7
4.9 Atuisunik nalunaarsuineq:	7
4.10: Atuisunik allanngortoqartillugu nalunaarutiginninneq:	7
4.11 Kiffartuussinnermut allattorsimaffimmik nutarterineq:	7
4.12. Attaveqaateqarneq:	7
4.13: Nalunaarsorneqarneq:	8
4.14. Nammineerluni atuisup isumagisassai:	8
5 Anartarfilerinnermi atortunut tunngatillugu.....	8
5.1. Atortut:	8
5.2 Assartuutit:	8
5.3 Assartuutitut piumasaqaatit:	8
6 Kommune Qeqertaliup akiligassiisarnermi piumasaqaatai	8
6.1. Atuisut akiligassaat:	8
6.2. Akiligassaliortarneq:	8
6.3. Akiliisarneq:	8
7 Isumaqatigiisummik atorunnaarsitsineq	9
7.1. Aaqqiiniaqatigiinnerit:	9
7.2. Isumaqatigiisummik taamaatitsineq:.....	9
7.3. Isumaqatigiisummik sumiginnaasoqartillugu:	9
Ilanngussat allattorsimaffiat.....	10

1 Neqeroortitsinermi piumasaqaatit

Suliami pineqarput Qeqertarsuarmi anartarfiit kuutsittagaangitsut puussiartaannik ingitsinnissamut nalunaarsorsimasunik sullissineq.

1.1 Inatsisitigut tunngavissat:

Pisortat oqartussaaffigisaanni suliffeqarfinilu nioqqutissanik kiffartuussinernilu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. Juni 2019-meersoq Avatangiisit innarlitsaaliorneqarnissaannik Inatsisartut inatsisaat nr. 9, 22. November 2011-meersoq

Anartarfiit aamma imermik errortuivikumik anartarfiillu imaannik eqqaaneq pillugit Namminersornerullutik Oqartussat nalunaarutaat nr. 27, 17. September 1993-meersoq

1.2. Neqeroortitsisoq:

Kommune Qeqertalik Qeqertarsuaq, Holten Møllerip Aqq. B-510, 3953 Qeqertarsuaq, qeq_inoqarfik@qeqertalik.gl, 70 19 00.

Attaveqaataasoq:

Inoqarfimmi Områdeleder, Aningaaq Fleischer, anif@qeqertalik.gl, 38 71 91.

1.3. Neqeroortitseriaaseq:

Neqeroortitsisup allakkami matumani tamanut suliariumannittussarsiuussinertut pisussanngorlugu toqqarsimavaa, kingornagullu isumaqatiginninniarnissamut periarfissaqartillugu.

1.4. Isumaqatigiissutip sivilissusaa:

01.09.2025 – 31.08.2027

1.5. Neqeroortitsinermit tunngaviit:

Neqeroortitsinermit tunngavissatut allaatigisaq naapertorlugu sulineq ingerlanneqassaaq.

Allakkami matumani neqeroortitsinermit atugassat nassaassaasinnaasulluunniit Kalaallit Nunaanni, Nunanilu tamalaani inatsisit, peqqussutit, nalunaarutit, oqartussat piumasaqaataat maleruagassaallu il.il. atuutsinneqartut.

Suliassat suliarineqarnerini, suliakkerneqartoq oqartussaniit akuersissutinik pisarialinnik tamanik tamatigut peqartussaavoq. Suliakkerneqartup piumasaqaatit, inatsisit maleruagqusallu atuuttut ilisimaareqqinnaarnissaat qulakkiissavaa.

1.6. Neqerooruteqarnissamut piffissarititaq:

Neqeroorut kingusinnerpaamik attaveqataasumut imaluunniit saaffiginnittarfimmut tunniunneqareersimassaaq:

Ataasinngorneq 11. August 2025, nal. 14:00.

Neqeroornermi tunngavissaq immersugassarlu Kommue Qeqertaliup nittartagaatigut aaneqarsinnaavoq: www.qeqertalik.gl iserfigalugu, imaluunniit saaffiginnittarfimmut saaffiginninnikkut.

1.7.Neqeroorummut piumasaqaatit tunniussinerlu:

Neqeroorut kalaallisut imaluunniit danskisut allassimassaaq.
Neqeroornermi immersugassami suliassat piumasaqaatigineqartut tamakkiisumik naatsorsorneqarnerisa inernerat allanneqassaaq.
Neqeroornermi immersugassaq immersoriarlugu allakkap puuanut ikineqassaaq, neqeroortup aqqa, najugaa attaveqaataalu allanneqassapput. Allakkap puua nalunaaqutserneqassaaq ima: "Allagaatilerisumit ammarneqassanngilaq – Qeqertarsuarmi anartarfilerineq"

1.8.Nangaaneq:

Nangaaneq akuerineqarsinnaanngilaq.

1.9.Neqeroorutitik ammaaneq:

Neqeroorutit ammarneqassapput Kommunep ataatsimiittarfiani, ulloq:

11. August 2025, nal. 15:00. Neqeroortut ammaanermi peqataanissamut tikilluaqqusaapput.

1.10 Neqeroorummik toqqaaneq nalunaarutiginninnerlu:

Suliaqarnissamut piumasaqaatinik naammassinnissimanissaaq piumasaqaataavoq.

Neqeroorut akilersinnaanerpaaq isumaqatigiissusiornissamut tunngavigineqassaaq, matumani pingaarnertut suliaqarnermut akigititaq pitsaassuserlu nalilersuutigineqassallutik.

Neqeroortitsinerup inenera neqeroortunut allakkatigut nalunaarutigineqassaaq.

Isumaqatigiissuteqarfissatut siunnerfigisaaq aggersaammik nassinneqassaaq, oqaloqatigiinnerit aallartinnissaat naatsorsuutigineqassaaq sap.ak. 33-mi ingerlanneqassasoq.

2 Sullissinerup allaaserinera

2.1. Katersorneqartussat:

Anartarfiit kuutsittagaanngitsut inginneqartartussatut nalunaarsorsimasut tamarmik katersorneqartassapput.

2.2 Atuisup akisussaaffia:

Anartarfiit puussiartaanik annissineq ikkussinerlu atuisumit isumagineqassaaq. Anartarfiit puussaat atuisumit silamut anninneqareersimasut anartarfilerisumit katersorneqartassapput.

2.3 Illup iluanut iserluni kiffartuussinerit:

Illup iluanut iserluni anartarfiup puussaanik aallerneq nutaamillu ikkussineq Kommunemut attuumassuteqartinneqassanngilaq, saniatigullu akiligassaliornert akuerineqarnaviannngillat.

Utoqqaat namminerisamik angerlarsimaffeqartut ikiorneqarnissamik pisariaqartitsisut, illup iluanut iserluni aallerneq anartarfiup puussaanik nutaamillu ikkussinermi ikiuunnissaq piareersimaffigineqassaaq.

2.4: Anartarfilerinermut piffissarititaasoq:

Anartarfilerineq pisassaaq: Ataasinngornermiit tallimanngorneq ilanngullugu, nal. 07:00 – 18:00 iluani.

Anartarfiup puussai katersoriarlugit imarisai kueraavimmut innersuunneqartumut kuiartorneqartassapput, puussiartaalu poortorluariarlugit Kommune Qeqertalimmi eqqaaveqarfimmut innersuussamut ingerlanneqartassallutik.

2.5 Nalliuttuni anartarfilerinerit:

Nalliuttuni aallertarnerit ullunut taakkununga qaninnerpaani pisassapput, aamma nalliuttut qaangiunnerini ulloq suliffiusoq siulleq atorlugu pisassapput.

2.6 Ingerlatsinermi akornutit:

Ingerlatsinermi akornutit annikinnerusut anartarfilerisumit toqqaannaq iliuuseqarfigineqartassapput, soorlu puussiat ajoqusersimappata, ingitsinngittoortoqarsimappat il.il.

Atuisut toqqaannaq anartarfilerisumut attaveqarsinnaatitaassapput.

2.7: Ingerlatsinermi unittoortoqartillugu

Ingerlatsinikkut unittoortoqartillugu anartarfilerisoq pisussaavoq angallassissutitigut nammineq aningaasartuutigisassaminik iluarsiissuteqarnissamut, piaartumillu akornutaasoq pillugu Kommune Qeqertalik Qeqertarsuarmi attaveqaataasumut nalunaaruteqarluni.

2.8 Pilersaarutitik allanngortoqartillugu:

Ingerlatsinikkut akunnakusoortoqartillugu anartarfiit puussiartaanik katersineq imaluunniit imaarsineq pilersaarutit malillugit ingerlanneqarsinnaatinnagu, anartarfilerisoq pisussaavoq kingoraartissanik erngertumik atugassiissuteqarnissaminut, kiisalu Kommune Qeqertalik Qeqertarsuarmi attaveqaataasumut saaffiginninnissaminut.

2.9 Aanngajaarniutitik atuinissamik inerteqquteqarneq:

Suliffiup nalaani imigassartortoqannginnissaa imaluunniit aanngajaarniutitik atuisoqannginnissaa piumasaqaataavoq.

3 Suliakkerneqartup Kommunellu akornanni suleqatigiinneq

3.1 Tunngaviusumik suleqatigiinneq pillugu:

Anartarfilerinermi suliakkerneqartup Kommunillu akornanni suleqatigiinneq pitsaasumik, ataqqeegatigiiffiusumik ileqqorissaarnermillu tunngaveqartumik imaqartinneqassaaq.

3.2. Suleqatigiinnermi aaqqitassaqartillugu:

Sulianut tunngasumik imaluunniit suleqatigiinnermi pitsanngorsagassaqartillugu aaqqiissuteqarnissaq ataqqinnittumik oqaloqatigiinnikkut anguniarneqartassaaq.

4 Akisussaaffiit agguataarneqarnerat

Anartarfilerinermik suliakkerneqartup pisussaaffii:

4.1. Akiuussuserneqarsimanissamut piumasaqaatit:

Anartarfilerinermik suliakkerneqartup qulakkiissavaa sulisut nukillaarnermut – poliomut, noqartarnermut kiisalu tingulluummut Hepatitis A-mut aamma B-mut akiuussutissamik kapitissimanermut allagartaqarnissaat

4.2 Sullivimmi avatangiisit:

Anartarfilerinermik suliaqartup sulisuisa sullivimmi avatangiisit pillugit malittarisassat malittassavaat aamma sullivimmi avatangiisit, inuttut eqqiluitsuunissaq aamma suliaqarnermi oqimaattunik kivitsisarnissat pillugit ilitersorneqartassapput.

4.3 Oqarasuaateqarnissamik piumasaqaat:

Anartarfilerinermik suliaqartoq oqarasuaateqassaaq, taamaalilluni Kommune Qeqertalik atuisullu sulinerup nalaani anartarfilerisumut attaveqarsinnaaqullugit

4.4 Kommunemut nalunaartussaaitaneq:

Pissutsit suliaqarfiup iluanut tunngassutillit pingaaruteqarsinnaasut tamaasa sullissisup Kommune Qeqertalik Qeqertarsuarmi attaveqaataasumut nalunaarutigineqartassapput

4.5 Ajoqusiinerit:

Anartarfilerinermik suliaqartup nammineq pisuussutigisaminik allat pigisaanik imaluunniit Kommunip illuutaanik atortuinilluunniit il.il. ajoqusiissagalaruni, ajoquserneqartut iluarsaanneqarneri nammineerluni aningaasartuutigissavai

4.6 Ajutoortoqarsimatillugu:

Kukkusoqarsimatillugu amigaateqartoqartilluguluunniit anartarfilerinermik suliaqartoq Kommune Qeqertalik Qeqertarsuarmi attaveqaataasumut nalunaaruteqartassaaq, pisariaqartutullu nalilerneqarpat atuisunut nalunaaruteqartoqartassaaq

4.7 Sulisunik akissarsiaqartitsineq

Sulisut akissarsiaat sulinngiffeqarnersiutisiassat ilanngullugit kiisalu sillimmasiissutit assigiinngitsut anartarfilerinermi suliakkerneqartumit akilerneqartassapput. Anartarfilerinermik suliakkerneqartup pisussaaffigaa nammineq sulisumilu akiuussutissamik kapitinnissatik, tamannalu pillugu peqqinnissaqarfimmut attaveqarnissani.

Kommune Qeqertaliup pisussaaffii:

4.8 Puussiartassanik pisineq:

Kommune Qeqertalik nammineerluni anartarfiit puussaanik pisisassaaq, allamik isumaqatigiissusiortoqarsimatinnagu.

4.9 Atuisunik nalunaarsuineq:

Anartarfiit puussiartaanik ingitsinnissamut nalunaarsorsimasut tankinillu imaartittartut qaammatit tamaasa nalunaarsorneqartassapput, qasseriartutik imaarneqarnersut kiisalu illut B-normui tamaasa, najugaqartullu suliffeqarfiillu aqqisa allattorneqarneri ilanngullugit paasissutissiissutigalugit. Nalunaarsukkat taakkua Kommune Qeqertalik Qeqertarsuarmi Inoqarfimmut nalunaarutigineqartassapput.

4.10: Atuisunik allanngortoqartillugu nalunaarutiginninneq:

Anartarfiit puussaanik aallertarnerit amerlassusaat allannguuteqartillugit imaluunniit kiffartuunneqarnermik taamaatitsinerit ilanngunnernillunniit nalunaaruteqartoqartillugu tamanna Kommune Qeqertaliup anartarfilerinermi suliaqartumut nalunaarutigisassavaa.

4.11 Kiffartuussinermut allattorsimaffimmik nutarterineq:

Kiffartuussinermut allattorsimaffimmik nutarterineq anartarfilerinermik suliaqartup kiisalu Kommune Qeqertalik Qeqertarsuup akornanni isumaqatigiissuteqarnikkut pisassaaq

4.12. Attaveqaateqarneq:

Piffissap suliffiusartup nalinginnaasup iluani Kommune Qeqertalimmi attaveqaataasoq oqarasuaatikkut 70 19 00 aqqutigalugu attavigineqarsinnaavoq. Suliffiup nalinginnaasup avataatigut attaveqarfissat qanoq pissarsiarineqarsinnaanersut pillugit ingerlatsinermut akisussaasuusoq, tamatumuuna isumaqatigiissuteqarfigineqartassaaq.

Atuisut pisussaaffii:

4.13. Nalunaarsorneqarneq:

Anartarfiit puussiartaasa aaneqartarnissaannik aaqqissuussamut ilanngunniartut, allannguiniartut atorunnaarsitsiniartulluunniit Kommune Qeqertalimmut immersuiartortassapput imaluunniit nittartagaq aqqutigalugu imminut sullinnikkut nalunaaruteqarneq.

4.14. Nammineerluni atuisup isumagisassai:

Anartarfiit puussiartaanik annissineq, ikkussineq atuisumit namminermit isumagineqartassaaq.

5 Anartarfilerinermi atortunut tunngatillugu

5.1. Atortut:

Illoqarfimmi anartarfilerinermik sullissinermi atortut suliaqartumit namminermit pigineqassapput.

5.2 Assartuutit:

Anartarfilerinermik suliaqartup anartarfiit puussiartaasa assartornerinut atugassaminik assartuummik motorilimmik suliamut naleqquttunik pissarsinissani nammineq isumagissavaa. Anartarfilerinermik suliaqartup assartuutaata motorillip ingerlanneqarneranut aamma aserfallatsaaliineqarneranut aningaasartuutit Kommune Qeqertaliup susassarinngilai.

5.3 Assartuutinut piumasaqaatit:

Assartuutit motorillit tamat aqquernatigut ingerlaarsinnaasutut nalunaarsorneqarsimassapput.

6 Kommune Qeqertaliup akiligassiisarnermi piumasaqaatai

6.1. Atuisut akiligassaat:

Atuisut akiligassaat Kommune Qeqertalik-up isumagisassavai. Allannguutitut nalunaarutit kiisalu ilaajunnaarnermi ilaalernermilu nalunaarnerit Kommune Qeqertalimmit suliarineqartassapput.

6.2. Akiligassaliortarneq:

Anartarfilerinermik suliaqartoq piffissaalluartillugu Kommune Qeqertalimmut akiligassamik nassiussisassaaq.

6.3. Akiliisarneq:

Kommune Qeqertalik-up kingumoortumik qaammatikkuutaartumik anartarfilerinermik suliaqartoq siumoortillugu isumaqatigiissutaasut malillugit aningaasanik tunniussisassaaq.

7 Isumaqatigiisummik atorunnaarsitsineq

7.1. Aaqqiiniaqatigiinnerit:

Isumaqatigiissuteqartut akunnerminni isumaqatigiinngissuteqalissagalarunik imaluunniit suleqatigiinnermi ajornartorsiuteqalissagalarunik ataqqeqatigiisumik oqaloqatigiinnikkut aaqqiissuteqarnissartik anguniartassavaat

7.2. Isumaqatigiisummik taamaatitsineq:

Sullissinissamik isumaqatigiissusiaq illuatungeriit arlaannit qaammatit pingasut sioqqullugit ilisimatitsinikkut taamaatinneqarsinnaavoq

7.3. Isumaqatigiisummik sumiginnaaneq:

Sullissinissamik isumaqatigiisummik sumiginnaasoqassagalarpat isumaqatigiissut Kommune Qeqertalimmit ingerlaannartumik atuutilersumik atorunnaarsinneqarsinnaavoq

Ilanngussat allattorsimaffiat

Ilanngussaq 1 Neqeroornermi allattuivik

Ilanngussaq 2 Suliat amerlassusaat

Ilanngussaq 3 Atuisunut nalunaarut